



Na osnovu člana 45. stav (5) Zakona o izvršavanju Budžeta Unsko-sanskog kantona za 2026. godinu („Službeni glasnik Unsko-sanskog kantona“, broj 1/26) i Odluke o kriterijima i postupku dodjele sredstava odobrenih u Budžetu Unsko-sanskog kantona za 2026. godinu putem Ministarstva privrede sa pozicije Grantovi neprofitnim organizacijama i Grantovi neprofitnim organizacijama-oblast turizma, broj: 03-02-44-411/2026 od 17.3.2026. godine, Ministarstvo privrede objavljuje:

JAVNI POZIV

za odabir korisnika sredstava po Odluci o kriterijima i postupku dodjele sredstava odobrenih u Budžetu Unsko-sanskog kantona za 2026. godinu putem Ministarstva privrede sa pozicije Grantovi neprofitnim organizacijama i Grantovi neprofitnim organizacijama-oblast turizma „Podrška udruženjima“

I PREDMET JAVNOG POZIVA

Predmet Javnog poziva je prikupljanje prijava za odabir korisnika sredstava po Odluci o kriterijima i postupku dodjele sredstava odobrenih u Budžetu Unsko-sanskog kantona za 2026. godinu putem Ministarstva privrede sa pozicije Grantovi neprofitnim organizacijama i Grantovi neprofitnim organizacijama-oblast turizma, sa sjedištem na području Unsko-sanskog kantona, čiji programski ciljevi i/ili djelatnosti su usmjereni/e na oblasti koje su u nadležnosti Ministarstva privrede, a koja provode projekte iz oblasti poduzetništva, obrta, turizma i saobraćaja.

II PRAVO UČEŠĆA

Pravo učešća imaju udruženja čiji ciljevi i/ili djelatnosti su usmjerena na oblasti u nadležnosti Ministarstva, registrovana u skladu sa Zakonom o udruženjima i fondacijama („Službene novine Federacije BiH“, broj: 45/02) i Zakonom o udruženjima i fondacijama („Službeni glasnik BiH“, br. 32/01, 42/03, 63/08 i 76/11).

III USLOVI ZA DODJELU SREDSTAVA

Pravo na dodjelu sredstava imaju udruženja definisana tačkom II Javnog poziva, koja ispunjavaju opće i posebne uslove:

a) Opći uslovi su:

- da su upisane u Registar u Ministarstvu pravosuđa i uprave Kantona, Federalnog ministarstva pravde ili Ministarstva pravde Bosne i Hercegovine do dana objave Javnog poziva,
- da imaju sjedište na području Kantona,
- da se projekat realizuje na području Kantona,
- da realizuju projekte usmjerene na područja iz oblasti koje su u nadležnosti Ministarstva, iz oblasti poduzetništva, obrta, turizma i saobraćaja,

b) Posebni uslovi su:

- da je projekat u skladu sa ciljevima i prioritetima iz Javnog poziva,
- da vlastito učešće u ukupnoj vrijednosti projekta iznosi najmanje 5%,
- da su opravdala dodijeljena sredstva ovog Ministarstva iz prethodnih godina i izvršili povrat sredstava, ukoliko su imala tu obavezu, do dana zatvaranja Javnog poziva,
- da do dana objave Javnog poziva nisu dobila sredstva za istu namjenu u toku fiskalne godine iz sredstava Budžeta Vlade Kantona, Ministarstva ili drugog izvora,
- da je projekat vremenski ograničen i da se realizuje u periodu utvrđenom Javnim pozivom,
- da je podnesen potpun i uredno popunjen Prijavni obrazac (Aneks I) sa svom propisanom dokumentacijom,

- da troškovi projekta budu realni, opravdani i direktno vezani za realizaciju projektnih aktivnosti.

IV SREDSTAVA ZA IMPLEMENTACIJU

Sredstva za implementaciju utvrđena su u Budžetu Ministarstva u ukupnom iznosu od 100.000,00 KM, i to na ekonomskom kodu 614300, FAN002 - „Grantovi neprofitnim organizacijama“ u iznosu od 50.000,00 KM, te na ekonomskom kodu 614300, FAN007 - „Grantovi neprofitnim organizacijama-oblast turizma“ u iznosu od 50.000,00 KM.

Maksimalan iznos sredstava koji se može dodijeliti udruženju iznosi 5.000,00 KM.

V NAMJENA UTROŠKA SREDSTAVA I ROK ZA IMPLEMENTACIJU

Sredstva iz tačke IV Javnog poziva namijenjena su za sufinansiranje projekata iz sljedećih prioritetnih oblasti:

- a) povezivanje i razvoj poduzetništva i obrta, interesno umrežavanje, organizovano zastupanje interesa poduzetnika i obrtnika na zajedničkom tržištu, promocija razvojnih potencijala, podrška u razvoju novih poslovnih inicijativa i unapređenje poslovnog okruženja, te učešće na manifestacijama, sajmovi, izložbe – (zakup i uređenje štanda),
- b) projekti u oblasti turizma, uključujući organizaciju ili učešće na turističkim manifestacijama, razvoj kulturnog, sportskog i gastro turizma, te izgradnju turističke supstrukture (klupe, pješačke planinarske staze, odmorišta, korpe za otpad, nastrešnice i sportska igrališta),
- c) projekti u oblast saobraćaja uključujući kampanje za bezbjednost saobraćaja za djecu, edukaciju o pravilima ponašanja u saobraćaju i promociju biciklizma,
- d) projekti kojima se promovišu ciljevi održivog razvoja,
- e) edukacija i usavršavanje članova udruženja.

Neprihvatljivi troškovi za koje se ne mogu koristiti sredstva su: troškovi tekućih komunalnih usluga (odvoz smeća, vode i plina), troškovi električne energije, telefona, knjigovodstvenih usluga i slično, lični dohodak (plate, porezi i doprinosi, naknade za službena putovanja – dnevnice, konzumacija jela i pića i ostale naknade radnika korisnika sredstava), troškovi plaćeni gotovinom (npr. otkupni blog i drugo) kao i ugovori o djelu ili bilo koje druge naknade predsjednika i članova udruženja. Neprihvatljivi troškovi su i troškovi po osnovu nabavke roba, usluga i radova od lica koja nisu registrovana kao poslovni subjekti, kao i od lica koja spadaju u kategoriju povezanih lica (predsjednik i članovi udruženja). Troškovi nastali van odobrenog perioda trajanja projekta. Neopravdano visoki troškovi promotivnih aktivnosti, bez jasno prikazane tržišne opravdanosti. Bilo koji drugi troškovi koji nisu u skladu s ciljevima Javnog poziva i ne doprinose realizaciji projektnih aktivnosti.

Rok za implementaciju projekta, iznosi najviše šest mjeseci od dana potpisivanja Ugovora.

Svako korištenje odobrenih sredstava suprotno namjenama utvrđenim tačkom V Javnog poziva smatrat će se nenamjenskim utroškom sredstava.

Korisnici sredstava po ovoj Odluci ne mogu prestati sa radom u periodu od najmanje jedne godine od dana potpisivanja Ugovora o dodjeli sredstava, u suprotnom su dužni vratiti dodijeljena sredstva u cjelokupnom iznosu.

VI KRITERIJI ZA IZBOR KORISNIKA

- Namjena projekta (projekti definisani članom 7. stav (1) Odluke)
- Broj zaposlenih
- Vlastito učešće u ukupnoj vrijednosti projekta
- Broj članova udruženja/komora
- Korisnik sredstava Ministarstva privrede u prethodne tri godine (od 2023. do 2025.g.)

VII PRIJAVA PO JAVNOM POZIVU

Prijava na Javni poziv se vrši putem Prijavnog obrasca (**Aneks I**) koji se preuzima sa web stranice Vlade Kantona (www.vladausk.ba).

Uz Prijavni obrazac potrebno je dostaviti sljedeću dokumentaciju:

- a) Izjava podnosioca prijave o saglasnosti za obradu ličnih podataka (**Aneks II** – sastavni dio Odluke), potpisana i ovjerena od strane podnosioca prijave (preuzima se sa web stranice Vlade Kantona www.vladausk.ba);
- b) Ovjerena kopija Rješenja o registraciji od nadležnog organa i ovjerena kopija zadnjeg Rješenja o upisu promjena ukoliko je istih bilo, ovjera ne starija od tri mjeseca od dana objave Javnog poziva;
- c) Ovjerena kopija Uvjerenja o poreznoj registraciji (ID broj), ovjera ne starija od tri mjeseca od dana objave Javnog poziva;
- d) Original ili ovjerena kopija Uvjerenja Porezne uprave o izmirenju direktnih poreza, doprinosa za PIO/MIO, zdravstveno osiguranje, osiguranje od nezaposlenosti i porez na dohodak, kao i ostalih naknada i taksi, ne starija od tri mjeseca od dana objave javnog poziva (dostavljaju samo udruženja koja imaju stalno zaposlene; dokumentacija nije obavezna) ;
- e) Original ili ovjerena kopija Liste osiguranika izdata od strane Porezne uprave ne starija od 30 dana od dana objave javnog poziv (dostavljaju samo udruženja koja imaju stalno zaposlene; dokumentacija nije obavezna)
- f) Kopija bilansa stanja i bilansa uspjeha za 2025. godinu ili Izjava o neaktivnosti u 2025. godini, sa pečatom prijema od strane Financijsko-informatičke agencije (FIA), osim za udruženja koja su registrovana u 2026. godini.
- g) Kopija dokumenta iz kojeg je vidljiv broj transakcijskog računa (ne može se mijenjati u proceduri dodjele sredstava) na koji će se sredstva doznačiti (ugovor ili karton deponovanih potpisa ili potvrda banke);
- h) Izjava podnosioca prijave da do dana objave Javnog poziva nisu ostvarili poticaj od Vlade Kantona, Ministarstva ili drugog izvora, za realizaciju predloženog projekta (**Aneks III** – sastavni dio Odluke), potpisana i ovjerena od strane podnosioca prijave (preuzima se sa web stranice Vlade Kantona www.vladausk.ba);
- i) Izjava o vlastitom učešću finansijskih sredstava za realizaciju projekta (vlastito učešće u ukupnoj vrijednosti projekta iznosi najmanje 5%) (**Aneks IV** – sastavni dio Odluke), potpisana i ovjerena od strane podnosioca prijave, (preuzima se sa web stranice Vlade Kantona www.vladausk.ba.);
- j) Ako postoji partner na projektu dostaviti dokaz o visini sredstava sa kojima će isti sufinancirati projekat (sporazum o saradnji ili ugovor ili izjavu). Izjava se dostavlja u originalu (potpisana i ovjerena od strane podnosioca prijave) i datum izjave ne smije biti stariji od tri mjeseca od dana objave Javnog poziva. Sporazum ili Ugovor se dostavlja u originalu ili ovjerenom kopiji i datum ovjere ugovora ili sporazuma ne smije biti stariji od 3 mjeseca od dana objave Javnog poziva;
- k) Popis članova udruženja ovjeren i potpisan od strane predsjednika udruženja ne stariji od dana objave Javnog poziva.

Udruženja koja nemaju zaposlenog/ih, ne dostavljaju dokumentaciju navedenu tačkom VII Javnog poziva pod c) i d).

Prijave će biti odbačene kao nepotpune i neće biti predmet daljeg razmatranja ako ne sadrže kompletnu dokumentaciju koja se traži Javnim pozivom.

Potpisom na Prijavnom obrascu, podnosilac prijave čiji je projektni prijedlog odobren za finansiranje, izražava svoju saglasnost na uslove Javnog poziva.

VIII OBRADA PRIJAVA I IZBOR KORISNIKA

Dostavljene prijave po Javnom pozivu razmatra Komisija koju Rješenjem imenuje ministrica Ministarstva i koju čine tri člana.

Komisija ima zadatak da:

- a) izvrši analizu ispunjenosti formalno-pravnih uslova i bodovanje pristiglih prijava u skladu sa ovom Odlukom i Javnim pozivom,
- b) sačini listu podnosioca prijave koji ispunjavaju formalno-pravne uslove sa ostvarenim brojem bodova i
- c) listu podnosilaca čije su prijave neblagovremene, nepotpune i neosnovane,

- d) uz Izvještaj o provedenom postupku po Javnom pozivu dostavi liste Ministrici. Po odobrenju Ministrice, liste se objavljuju na web stranici Vlade Kantona: www.vladausk.ba.

Na objavljene liste svi podnosioci prijava imaju pravo prigovora koji se podnosi Ministarstvu u pisanoj formi, u roku od pet dana od dana objavljivanja listi na web stranici Vlade Kantona.

Nakon isteka roka za podnošenje prigovora i rješavanja prigovora u roku od osam dana, Ministrica donosi Konačnu rang listu korisnika sredstava, na kojoj su navedeni ukupni broj bodova i iznos odobrenih sredstava. Vlada Kantona daje saglasnost na Konačnu rang listu, nakon čega se ista objavljuje na web stranici Vlade Kantona.

Nakon dobijanja saglasnosti Vlade Kantona na Konačnu rang listu korisnika sredstava Ministarstvo sa odabranim korisnicima zaključuje Ugovore o dodjeli sredstva, nakon čega će se sredstva doznačiti na transakcijske račune korisnika.

IX NAČIN DOSTAVLJANJA PRIJAVA

Prijave sa potrebnom dokumentacijom dostavljaju se neposredno na protokol Vlade Kantona ili preporučeno putem pošte, na adresu:

Ministarstvo privrede Unsko – sanskog kantona,
Ul. Alije Đerzeleza br.2, 77 000 Bihać
s naznakom:

*Prijava po Javnom pozivu „Podrška udruženjima“
„NE OTVARAJ“*

Na poledini koverta obavezno navesti naziv podnosioca prijave i adresu

Rok za podnošenje prijava je **15 dana** od dana zadnje objave Javnog poziva.

Neblagovremene prijave koje su dostavljene nakon isteka roka određenog Javnim pozivom neće se uzeti u razmatranje.

Podnosioci prijava mogu podnijeti prijavu samo za jedan projekat iz jedne oblasti po ovom Javnom pozivu. U slučaju više prijava istog podnosioca po istom ili različitim projektima iz više oblasti, sve prijave će biti odbačene kao neosnovane i neće biti predmet daljeg razmatranja.

X IZVJEŠTAJ O UTROŠKU SREDSTAVA

Korisnici sredstava su dužni pravdati utrošak ukupnih sredstava (ukupna vrijednost projekta) predviđenih za realizaciju projekta, uključujući vlastita i dodijeljena budžetska sredstava. Za sva neopravdana sredstva, Ministarstvo će pokrenuti **proceduru povrata**, pri čemu se iznos povrata određuje proporcionalno učešću sredstava Ministarstva u ukupnoj vrijednosti projekta.

Korisnici sredstava su obavezni **dodijeljena sredstva iz budžeta i vlastita sredstva koristiti namjenski** i dužni su dostaviti Izvještaj na propisanom obrascu „Izvještaj o utrošku finansijskih sredstava“ sa kompletnom dokumentacijom kojom se dokazuje namjenski utrošak sredstava.

Pravdanje će se vršiti sa odgovarajućom dokumentacijom koja se dostavlja Ministarstvu:

- „Izvještaj o utrošku finansijskih sredstava“ - popunjen, potpisan i ovjeren od strane korisnika sredstava (**Aneks V** – sastavni dio Odluke), dostupan na web stranici Vlade Kantona www.vladausk.ba;
- Izjava o namjenskom utrošku sredstava (**Aneks VI** – sastavni dio Odluke), ovjerena kod nadležnog gradskog/općinskog organa ili notara (dostupna na web stranici Vlade Kantona: www.vladausk.ba);
- Računi **uz obavezan fiskalni račun** (ukoliko postoji zakonska obaveza za izdavanje fiskalnog računa) – original ili ovjerene kopije kod nadležnog gradskog/općinskog organa ili notara. Napomena: Račun na kojem nije jasno vidljiva specificirana stavka ili je isti prilikom sačinjavanja fotokopije prekriven fiskalnim računom, neće biti priznat kao dokaz prihvatljivog troška. Račun ne može biti stariji od dana potpisivanja Ugovora.
- Izvodi iz banke na kojima su pored uplaćenih iznosa vidljivi dokumenti po kojima je plaćanje izvršeno – kopija,
- Fotodokumentacija – ovjerena na poledini sa pečatom udruženja.

Rok za dostavu izvještaja je najkasnije 15 dana od dana isteka roka za implementaciju projekta.

Ministarstvo zadržava pravo traženja i dodatne dokumentacije i pojašnjenja kod provjere namjenskog utroška sredstava (pismenim i usmenim putem).

Ministarstvo vrši nadzor namjenskog trošenja sredstava odobrenih korisnicima na osnovu dostavljenih Izvještaja, a po potrebi i neposrednim nadzorom kod korisnika sredstava, a na osnovu valjanih izvora verifikacije navedenih u samoj prijavi.

Ukoliko Korisnik sredstava ne dostavi Izvještaj o utrošku sredstava ili nenamjenski utroši sredstva, Ministarstvo pokreće zakonom propisan postupak za povrat finansijskih sredstava.

XI OSTALO

Ministarstvo će izvršiti raspodjelu sredstava u skladu sa ostvarenim bodovima podnosilaca prijava. Ukoliko ukupno zahtijevana sredstva budu veća u odnosu na planirana, Ministarstvo će raspodjelu istih izvršiti u skladu sa Konačnom rang listom korisnika sredstava do utroška planiranih sredstava utvrđenih u tački IV ovog Javnog poziva.

U postupku po Javnom pozivu Ministarstvo zadržava pravo da poništi Javni poziv u bilo koje vrijeme do zaključenja ugovora, bez obaveze pismenog ili usmenog obrazloženja.

U slučaju nedostatka sredstava u Budžetu Kantona obustavlja se dodjela sredstava.

Ministarstvo ne snosi troškove nastale u vezi sa prijavom na Javni poziv.

Aneksi od rednog broja I do VI su propisani i dostupni na web stranici Vlade Kantona: www.vladausk.ba.

Sve dodatne informacije vezane za Javni poziv mogu se dobiti putem telefona: 037/316-039 ili na e-mail: privreda@vladausk.ba.

Broj: 06-11-4620-1/26
Datum, 25.3.2026. godine



MINISTRICA
Samra Mehić, scr.